

Eginbide hotza

JEAN LOUIS DAVANT



HITSA zait kanpaina hau, kandidatu 'handien' mailean bederen. Programa ia berdina dute hiruek: erdiko botuen bildu nahiz, elgar kopiitzen dutela dirudi. Funtsezko arazoak ez dituzte hunkitzen, erreforma sakonik ez dago. Lehen ministro batena egiten dute, ez presidentē gaiarena. Ofizio, korporazio, gremio, biztanle mota bakoitzari eskaintzen diote bere oñona.

Horrela auzia nahasten dute, presidenteak Konstituzioaren arabera dituen hiruzpalau eginbide nagusiak itoz gobernua eguneroko kudeantza xehan. Frantziarrak baiez-tatzen dituzten neo-monarkismoan eta hortarik sortzen zaien nahaskerian. Berriz ikusiko ditugula erizainak Elisearen aurrean manifestatzen alokairuen alde? Alta bada, presidenteak ezin die zentimorik eman eta jakin behar lukete. Eskolan erakatsi eta erakasten zaie. Dirudienez, badakienak ere ez du jakin nahi. Baina gure hautetsi aintzinean ibiltzea zor digute, artzain onak bezala.

Beharrik hor daude kandidatu 'ttikiak'. Horiek bai agertzen dituzte zinezko problemak. Lehenbiziko itzulian, boza emanen diot gogotik Voynet andearari. Ekologia lotzen du sozial asmoari, kultura desberdinen errespetuari eta feminismoari. Ordu da emakumeek beren tokia ukan dezaten instituzioetan: horiek baztertuz, asko galtzen du gizarteak. Ber denboran lana banatu behar dugu, bereziki gazteriarekin: leher egin dezake hori ulertzen ez duen mundu batek.

Kezka horiek gogoan, bigarren itzulian hozki bozkatuko dut kontserbatzaileenaren aurka, Frantziako hiritar behartu bezala soilik, euskaldungoa bozka horietatik bazterturik baitago.

Aberriak

INAKI SEGUROLA



BADAKIT lehengo igandeko kontuak dirudite-la, baina ezin asmatuik nabil nola adierazi edo konpreniaraziko niokeen nik eusko abertzale zintzo bati, zerako zera hauxe: ez dudala ama (?) Euskadi maite eta ikurriña are gutxiago (gobernadorearen bulegoan sartu zutenetik sultan ikusiko nituzkeen banderen sailean dago); 'gure herria', 'herri honen Historia, eskubideak, borondatea...' eta horien gisako erretolika moduak hotz eta arrotz egiten zaizkidala, aingeruen klitoriari edo Materiaren osagaiei buruzko disputa teoloji-koak bezain arrotz edo hortxe nonbait.

Eta, hala ere, ez dut nik, progreni informatuek egin ohi zuten bezala, 'abertzale-tasuna gaingitu': guztiz alde erantzira, abertzale-tasunak gaingitu nau ni, aspalditxo gaingitu ninduen. Gehiago zen ni baino, eta ni berriz, motzegia edo itsuegia abertzale-tasunak galdegiten duen ikuspegi historiko-nazionalaz jabetzeko, eta, beharbada euskaldunegia ere bai, hezurbeltz gainzurituen neurria egindako dotrina horri bihotzez loturik irauteko.

Abertzaleek nahi duten krixto esango dute, baina begien bistakoa da aita (?) Espainia dela nere aberri bakarra: hura da soldadus-karako (alferrik) deitu ninduen, eta berea da soinean (Nortasunaren bortxaz) daramadan bandera bakarra. Nik ez diot Espainiari, us-tezko eufemismoz, Estatua deitzen; ez: nik, uzten didatenean, Puta Espainia deitzen diot. Horixe da nere aberria eta ez dut besterik nahi: daukadan bakar hori errotik gorrotatzen (eta, zailagoa dena, mila puskatan de-segiten) eta beraz, abertzale ez baina aberri-kalte izaten, badut galtzak eta galtzapekoak bete lan. Gaurko purrestada honekin, dudarik ez, izar berri bat piztutzero noa Euskal Herriko zeru gainean.

● egin

Dambo ez da zoriontsu

Inondik ere oso gutxitan gertatzen da kartzelatik irteten diren presoek kartzelarietako esker ona erakustea. «Stockholmgo sindrome» gutxi izan ohi da presoengandik. Ricardo Garcia Damboreneak, hala ere, ez zuen ahoan bilorik izan aurreko asteartean Alcala-Mecotik ateratzen zenean, eta funtzionarioei eskerrak eman zizkien hartutako tratua eragatik. Bere itxura kontuan hartuta, begien bistakoa da kartzelan emandako 61 egun horietan oso baldintza egokitan egon dela, inbidia-garriak gainontzeko presoentzat, bere inguruan mugituko ziren «konfiantzazkoentzat» izan ezik, horrelakoak egon badaude eta. Rafael Verak ere oso planta ederra azaltzen zuen asteazkenean Entzutegi Nazionalera eramanez zuten ibilgailu ofizialean (ez fuzgoi polizia-

lean). Biak ala biak, ordea, guztiak ere Estatuko aparatuei lotuta dauden beste 12 pertsonarekin batera, prozesatuta daude, besteak beste, «banda armatuko» kide edo laguntzaile izateagatik. Legea benetan begi inpartzialekin irakurriko balitz, biotatik bat: edo hamalauk preso prebentiboen egoeran egon beharko lukete edo, bestela, ehundaka euskal preso behin-behineko askatasunean egon beharko lukete epaiketa-aren zain, beroriei blokeatzen zaizkien askatasun baldintza-tuak —kondenaren hiru laurdenak betetzeagatik— ez aipatzearen.

TERESA TODA

● ABC

Cui prodest?

Dardartzekoa da pentsatzea puntu eta uneraren batean bat etor daitezkeela, nahi gabe bada ere, ETaren interes politikoa eta PSOErena. Aznarren aurka egindako atentatuaren gisako gertaera baten aurrean, bidez-



Ene Jainkoa! Oraindik ere hilobiak blindatu egin beharko dira asasi-noek hildakoak erremata ez ditzaten.

RAMON / DIARIO DE NAVARRA

koa ezezik ezinbestekoa ere bada edozein krimenen ondorengo honako galdera hau egitea: «Cui prodest?», noren mesedetan? Galdera hori egin baino lehen ere dardarka jarri gintuzten Xabier Arzalluzen adierazpenek, PP etsai duela eta ETA aurkari baino ez duela esan zuenean. Horiek izpiritu ziztrin baten adierapen ziztrinak dira. Ez Partidu Popularre-

kó botoemaileak ez buruzagiak aldera daitezke kriminal odol-tzaiez osatutako banda batekin eta, gainera, haien kaltetan. Xabier Arzalluz, adierazpen horiekin, biolentziaren eta asasi-natzearen apologeta gisa ezezik fanatiko sumindu gisa ere agertu da. Horrelakoetan, ez zaie epaileei deitu behar. Zorozainei deitu behar zaie.

JAIME CAMPANY

ZUZENDARIARI

Ez dago eskubiderik

Gipuzkoako Arraun Federazioko Lehendakari eta bere ingurukoei zuzentzen naiz.

Getarian, Gipuzkoako batelen liga eta txapelketako sari banaketan, kanporatu nahi izan ez nuen amorrut. Ez bainuen puskatu nahi ekitaldi hura, han ziren arraun-lariak ez zutelako hori merezi.

Batelen ligako estropada guztietan, Gipuzkoako txapelketan eta sari banaketa osoa barne egon naiz eta, iruditzen zait, Federazioko jaunak, zuek ez zaretela, nire el-karkide eta ni egon garen leku berdinetan egon.

Zin egiten dut ni egon naizenetan, gizon-zeko ordezkariak parte hartu baino lehenago, emakumezko ordezkarien 10 batel ikusi ditudala, zuek ez, agerian denez, zeren Getariko ekitaldian, bandera eta dominak banatu zenituzten kategori guztietako gizon-zeko txapelketan eta ez zenuten lotsik izan gutxiarik ere emakumeen parte hartzea aipatzeko ere.

Horregatik, emakumezkoen arrauna ez

bizkortzeaz eta matxismo hutsa aurrera emateaz salatzen zaituztet.

Ez dut eskatzen, ez banderarik, ez dominarik, emakumeen lana errekonozitzea bai-zik, zeren beraiek arraunlari izateko duin-tasuna badute, ez baitira alferrik jardun urte osoko entrenamenduak jasaten.

Liga hau jokatu duzuen emakume denak, jaso itzazue zorionik beroenak, zuen lana ikusi dugunon aldetik.

JOSEBA ARISTI

(Zumaiako arraunlaria)

Zestoa (Gipuzkoa)

Koka kola nahiago duk, ala?

Ez dagokit niri Maite Intxaurrearen defentsan ateratzea, berak nahi izanez gero, aise defendatuko dik bere burua. Hala ere, hire gutunean jaurtitakiko hainbat tontoketari argi pixka bat eman nahiko nieke.

Besteak beste diok, Kubari begira ibiltzen garelako egunero, zapuztuta bizi garelako

inork ez digulako kaxorik egiten, bukatu-tzat ematen duken komunismoari atxikitu-rik gaudela, e.a.

Egia duk, Kubako herria bizirik miresten diagu, bere akats guztiekin, justizia denon-tzako bera baita, ez dutelako bortxatzen he-men ez bezala. Egia duk, sozialismoa kapitalismoa baino maiteagoa diagu, jakin bazekiagu zuen kapitalismoak lehia gorriena dakarrela, pertsonen merkatua eguneko ogia dela.


Demokrazia puta honek, egunero, langi-leriä kakazten dik, herrien eskubide xumeenak ukatzen dizkik, hizkuntza txikiak ezabarazten dizkik, lotsagabeki.

Entera hadi, motel! Nork ez dik errespetatzen gure hizkuntza, gure kultura? Zeinek zatitu ditek gure herria? Zeinek akabatzen dizkitek gure presoak, gure erbesteratuak, gure gudariak? Hau al duk hire modelo kutuna? Ni gaur bertan Kubara nihoak. Gora Euskadi sozialista!

LUIS M^a SAINZ DE MURIETA

Donostia

GAIA JARRITA



Frantziako hauteskundeak

Lehendakariari Chirac, Balladur, Voynet, Le Pen eta Jospin, Parisen lehen heltzeko dabiliz elgarri bideak mozten. Zonbat azpilan elgar zikinduz, eta zonbat salerospen; ez badituzte beren erranak gezurrezko hariz josten, gure geroak izan dezake orain asko itxaropen.

MANUEL SEIN 'XANPUN'

Egunkaria

Batzarde Parkeidea: 72564 E / Lege Gordailua: SS 800/90



OJDK IKUSKATUTAKO HEDAPENA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALDA

Kontseilari Ordezkaria: INAKI URIA

Zuzendaria: MARTXEL OIAMENDI

Gerentea: FERMIN LAZKANO

Publizitatea: MARI JOSE SARASA

HELBIDEAK

Egoitza nagusia: Gudarien etorbidea, z/g / 20140 Andoain
300 222 / Erredakzio faxa: 300 255 / Publizitate faxa: 300 707

Araba: San Antonio, 20-1. ezker. / 01005 Gasteiz / 23 38 72 / Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea
17 80 78 / Faxa: 17 80 77Bizkaia: Zabalburu Enparantza, 2-1. ezker. / 48003 Bilbo
410 40 46 / Faxa: 410 37 15Lapurd / Nafarroa Beherea / Zuberoa: Pannecau 14, 1 / 503 Postol
kuxatila, / 64100 Baiona / 59 59 35 75 / Faxa: 59 25 75 11